

春
秋
異
文
箋

皇清經解卷一千三百一十二

學海堂

春秋異文箋

仁和趙徵君坦著

昭公元年

左氏叔孫豹會晉趙武楚公子圍齊國弱宋向戌衛齊惡陳公子

招蔡公孫歸生鄭罕虎許人曹人于號

注號鄭地

公羊叔孫豹會晉趙武楚公子圍齊國酌宋向戌衛石惡陳公子

招蔡公孫歸生鄭軒虎許人曹人于澇

疏齊國酌亦有作國弱者 釋文國酌二傳作國弱軒虎軒

依字許言反舊音罕二傳作罕虎澇音郭又音號左氏作號

穀梁作郭

梁穀叔孫豹會晉趙武楚公子圍齊國弱宋向戌衛齊惡陳公子

招蔡公孫歸生鄭罕虎許人曹人于郭

釋文郭左氏作號

謹案酌弱音相近公羊作國酌聲之誤罕虎子展之子子罕之孫以王父字爲氏故稱罕罕軒音相近故公羊作軒虎號

杜注鄭邑當是號叔故國公羊作漸亦假音字穀梁注郭

古與號通衛齊惡左傳稱齊子杜注齊子齊惡公羊經作石

惡案左公穀襄二十八年經衛石惡出奔晉左氏傳云衛人

討甯氏之黨故石惡出奔晉衛人立其從子圃以守石氏之

祀是衛不復有石惡矣且公羊音義不著其異當爲後世傳

寫之譌否或方音通轉爾左氏昭四年傳渾罕韓非子外

儲說左下作渾軒 說文車部軒曲輻藩車从車干聲 公

羊儻二年傳庾郭見與釋文郭音號 逸周書王會解郭叔

掌爲天子菴幣焉注郭叔號叔文王弟 戰國策秦策一臣

恐王之如郭君注古文言號也 蔡中郎集郭有道林宗碑

其先出自有周王季之穆有號叔者實有懿德文王咨焉建

國命氏或謂之郭 曲禮注生者不相辟名衛侯名惡大夫

有石惡正義曰案魯襄公二十八年衛石惡出奔晉二十九

年衛侯衎卒衛侯惡乃卽位與石惡不相于熊氏云石字誤

當云大夫有名惡知者昭七年衛侯惡卒穀梁傳云昭元年

有衛齊惡今衛侯惡何謂君臣同名也君子不奪人親所名

也是衛齊惡不得爲石惡也

據此則公羊作石惡亦屬傳訛

左氏三月取鄆

釋文鄆音運

公三月取運

穀同左氏

集解鄆魯邑 釋文鄆音運

說詳文公十二年城諸及鄆下

左氏晉荀吳帥師敗狄于大鹵

注大鹵大原晉陽縣 釋文大鹵大如字徐音泰鹵音魯

傳晉中行穆子敗無終及羣狄于大原 注卽大鹵也

公羊晉荀吳帥師敗狄于大原

傳此大鹵也曷爲謂之大原地物從中國邑人名從主人

疏案左氏作大鹵字穀梁與此同

穀梁同公羊

傳號從中國名從主人

謹案左氏經作大鹵從古史文左氏傳及公穀經傳俱作大原從中國稱義既不同故字互異 初學記八引春秋地名晉大鹵太原太夏太墟晉陽太康六名其實一也

字莒展與出奔吳

傳莒展與立而奔羣公子秩公子召去疾于齊秋齊公子鉏納去疾展與奔吳

公羊莒展出奔吳

穀梁同公羊

皇清經解

卷五十三

趙徵君春秋異文箋

三

謹案公穀脫輿字

左氏冬十有一月己酉楚子麋卒

釋文麋九倫反

公羊冬十有一月己酉楚子卷卒

疏左氏作麋字二小傳本亦有作麋字者 釋文卷音權左

氏作麋

穀梁同公羊

謹案卷古音衮與九倫反之麋字音正相近故公羊作卷釋

文卷音權聲略緩爾說互見文公十一年楚子伐麋下 左

氏哀二年傳羅無勇麋之注麋束縛也釋文麋邱隕反八年

傳麋之以入注麋亦束縛釋文麋邱隕反

案此亦與衮音相近

潛研

堂文集荅問七卷虞聲相近

三年

左氏春王正月丁未滕子原卒

公羊春王正月丁未滕子泉卒

疏左氏穀梁作原字

穀梁同左氏

謹案原與泉義同音近故公羊作泉 說文泉部泉水原也
原部屬水泉本也从彙出 厂下原篆文从泉臣鉉等曰今別
作源非是 莫澹山先生曰古原字从厂从泉公羊作泉乃
誤脫厂字也

四年

左氏春王正月大雨雹

釋文雹蒲學反

羊公春王正月大雨雪

疏案正本皆作雹字左氏經亦作雹字故賈氏云穀梁作大雨雪今若此有作雪字誤也釋文左氏作大雨雹

穀梁春王正月大雨雪

集解雪或爲雹疏左氏爲雹故范疑之云或爲雹也釋

文雨雪左氏作雨雹

謹案公羊正本亦作大雨雹與左氏同惟穀梁作大雨雪當是字譌莫濰山先生云大雨雹記災異也若十一月雨雪又何足異

左氏秋七月楚子蔡侯陳侯許男頓子胡子沈子淮夷伐吳執齊慶封殺之遂滅賴

公羊秋七月楚子蔡侯陳侯許男頓子胡子沈子淮夷伐吳執齊慶封殺之遂滅厲

疏有作賴字者 釋文滅厲如字又音賴左氏作賴

穀梁同公羊

謹案賴古音厲厲賴同音故籟瀨瀾瀾等字或从賴或从厲廣韻皆收入泰部賴字下並當讀若厲以此知公穀作厲亦假音字 左氏桓十三年傳楚子使賴人追之注賴國在義陽隨縣僖十五年經齊師曹師伐厲注厲楚與國義陽隨縣北有厲鄉 公羊僖十五年經秋七月齊師曹師伐厲釋文

厲如字舊音賴 漢書地理志上南陽郡隨故國厲鄉故厲國也師古曰厲讀曰賴 水經注涿水篇涿水北出大義山南至厲鄉西賜水入焉亦云賴鄉故賴國也 詩大雅思齊烈假不瑕釋文烈鄭作厲力世反又音賴病也大雅召旻彼疏斯裨箋疏蠶也謂糲米也釋文糲蘭末反沈音賴又音厲論語未信則以爲厲己也釋文厲鄭讀爲賴恃賴也 說文貝部賴从貝刺聲厂部厲从厂𠂔省聲屢或不省 班馬字類厲史記老子傳厲鄉音賴苦縣城東有厲鄉祠老子所生地又范睢傳漆身爲厲 方言二賴讎也南楚之外曰賴 郭注賴亦惡名疏證案注內言賴亦惡名蓋讀賴爲厲厲賴古多通用 史記刺客傳又漆身爲厲集解音賴南越傳爲

戈船下厲將軍集解徐廣曰厲一作瀨 漢書武帝紀西臨

阻厲河而還李斐曰音嗟賴地理志下安定郡祖厲師古曰

厲音賴 戰國策秦策三漆身而爲厲 尸子君治篇箕子

胥餘漆體爲厲 鹽鐵論毀學篇舜受堯之天下大公不避

周之三公苟非其人簞食豆羹猶爲賴民也 通雅疑始篇

石瀨亦作厲漢南越傳下厲將軍與東越傳下瀨將軍同

莊子逍遙遊使物不疵癘釋文癘音厲李音賴惡病也本或

作厲齊物論厲與西施釋文厲如字惡也李音賴司馬云病

癘人間世篇於是竝生心厲釋文厲如字李音賴天地篇厲

之人釋文厲音賴又如字天運篇其知僭於厲蓋之尾釋文

厲敕邁反又音例本又作厲郭音賴

五年

左氏戊辰叔弓帥師取莒師于蚡泉

注蚡泉魯地 釋文蚡泉扶粉反

公羊戊辰叔弓帥師敗莒師于瀆泉

傳瀆泉者何直泉也直泉者何涌泉也 釋文瀆泉扶粉反

瀆泉湧泉也左氏作蚡泉穀梁作賁泉

穀梁戊辰叔弓帥師敗莒師于賁泉

集解賁泉魯地 釋文賁泉扶粉反左氏作蚡泉

謹案蚡與瀆賁音皆相近公羊作瀆泉穀梁作賁泉或並假

音字 玉篇蚡扶粉切亦作蚡伯勞所化

昭公六年

左氏楚遠罷帥師伐吳

釋文罷音皮

公羊楚遠頗帥師伐吳

疏左氏穀梁作遠罷字

穀梁同左氏

說見襄公三十年楚子使遠罷來聘下

七年

左氏叔孫婁如齊蒞盟

釋文婁勅略反徐又音釋

公羊叔孫舍如齊蒞盟

釋文叔孫舍二傳作婁

身清系角 卷三十三

七

梁毅叔孫媯如齊蒞盟

釋文媯丑略反蒞音利又音類

謹案媯轉上聲則音舍故公羊作舍蒞蒞俗當作媯說

文女部媯不順也从女若聲春秋傳曰叔孫媯 唐韻正十

八藥媯丑略切上聲則音舍春秋昭二十三年叔孫媯公羊

作舍 漢書西域傳上媯羌孟康曰媯音兒師古曰音而遮

反 說文立部媯臨也从立隶聲繫傳通釋臣鍇曰春秋左

傳如齊蒞盟今俗作蒞借也柳嗜反 老子德經以道蒞天

下其鬼不神釋文蒞力至反古無此字說文作媯

八年

左氏 冬十月壬午楚師滅陳執陳公子招放之于越殺陳孔魚

釋文與呼亂反

公羊冬十月壬午楚師滅陳執陳公子招放之于越殺陳孔瑗

疏左傳穀梁作與

穀梁同左氏

說見襄公二十七年

九年

左氏夏四月陳災

注天火曰災陳既已滅降爲楚縣而書陳災者猶晉之梁山沙鹿崩不書晉災害繫于所災所害故以所在爲名 正義天火曰災宣十六年傳例也公羊穀梁經皆作陳火公羊傳曰陳已滅矣其言陳火何存陳也穀梁傳曰國曰災邑曰火

火不志此何以志閔陳而存之也賈服取彼爲說言愍陳不與楚故存陳而書之言陳尙爲國也杜以左氏無此義故辨而異之

公羊夏四月陳火

疏左氏作災字穀梁與此同 釋文陳火左氏作災

穀梁同公羊

釋文火左氏作災

謹案災字篆文或有殘脫故公穀譌作火存陳之說是矣必援國曰災邑曰火之例以釋之則其說似曲當从左氏經作災而義則節取公穀庶乎近焉

卜年

左氏夏齊樂施來奔

公羊夏音樂施來奔

釋文晉樂施左氏作齊樂施

穀梁同左氏

謹案齊樂施事具見左氏傳其不屬晉固不待言公羊作晉樂施殆由方音真齊二部通轉而譌 周易本義辯證晉孟

喜作齊子西反義同晁氏曰說文作晉案齊古文晉篆文晉

今文愚謂晉改爲晉始于蔡邕石經原注擦五經文字古晉字讀爲

齊音子斯切又卽移切見春秋傳及公羊釋文嘯堂集古錄

有晉姜鼎晉姬姓安得稱姜必齊姜也古文多借用故晉字

或借爲齊晁以道以齊爲古文是春秋齊晉無別矣恐未然

左氏莊元年經齊師遷紀邢鄆鄆注北海都昌縣西有訾城釋文鄆子斯反訾子斯反莊十一年經公敗宋師于鄆釋文鄆子斯反 公羊桓七年傳注据邢鄆鄆鄆繫紀釋文鄆子斯反一音晉莊元年經齊師遷紀邢鄆鄆釋文鄆子斯反又音晉十一年經夏五月戊寅公敗宋師于鄆釋文鄆子斯反哀十三年傳注時吳彊而無道敗齊臨菑疏菑字有作晉字穀梁莊元年經齊師遷紀邢鄆鄆釋文鄆子移反十一年經夏五月戊寅公敗宋師于鄆釋文鄆子移反 說文邑鄆鄆宋魯間地从邑晉聲 玉篇鄆子斯切

左氏 秋七月季孫意如叔弓仲孫纘帥師伐莒

公 秋七月季孫隱如叔弓仲孫纘帥師伐莒

釋文隱如左氏作意如

穀同左氏

謹案禮記中庸壹戎衣而有天下鄭注衣讀如殷聲之誤也齊人言殷聲如衣虞夏商周氏者多矣今姓有衣者殷之自與是殷有衣音殷與隱同音齊人既言殷如衣亦可言隱若意公羊本齊人假隱爲意亦由聲誤周易豫象殷薦之上帝釋文殷京作隱尚書大傳殷傳以孝子之隱乎注隱痛字或爲殷詩召南殷其雷釋文殷音隱邶風柏舟如有隱憂文選注十六引韓詩作如有殷憂北門憂心殷殷楚辭章句十六作憂心隱隱班馬字類殷史記封禪書其聲殷云野籬夜雌音隱漢書禮樂志殷殷鐘石羽籥鳴師古曰殷

音隱又靈殷殷師古曰殷音隱郊祀志其聲殷殷云師古曰
殷音隱司馬相如傳上殷天動地師古曰殷音隱揚雄傳上
殷殷軫軫師古曰殷讀曰隱 隸釋漢酸棗令劉熊勤恤
民殷以殷為隱 呂覽慎大覽親鄣如夏注鄣讀如衣今兖州人
謂殷氏皆曰衣言桀民親殷如夏氏也 白虎通衣裳篇衣
者隱也 禮記少儀隱情以虞注隱意也思也

左 十有二月甲子宋公成卒

釋文成音城何休音恤

公 十有二月甲子宋公成卒

釋文宋成讀左傳者音成何云向戌與君同名見昭公則宜元年注

音恤

穀同左氏

釋文成音城

謹案公羊作戌釋文云宜音恤宋平公鐘銘亦作戌則公羊
爲得左穀作成或字之譌左氏文二年傳宋公子成釋文
成音城本或作戌音恤宋王復齋鐘鼎款識宋平公鐘銘
宋公成之誣鐘吳東發跋云左昭十年傳宋公成公羊作戌
史記亦作成今觀是銘當以公羊爲正是平公器也頌壺銘
甲戌豐姑敦丙戌文皆作成與此同又案左昭二十年傳公
子城杜注平公子成與城同若平公名成其子不得名城也
十一年

左氏春王二月叔弓如宋葬宋平公

公羊春王正月叔弓如宋葬宋平公

穀梁同左氏

謹案左氏隱元年傳天子七月而葬同軌畢至諸侯五月同盟至大夫三月同位至士踰月外姻至平公以十年十二月甲子卒至十一年二月葬僅逮三月三月而葬已爲速泥踰月乎公羊作正月或字之譌

左氏仲孫矍會邾盟于祫祥

釋文祫子鳩反徐又七林反

公羊仲孫矍會邾婁子盟于侵羊

疏穀梁傳作祫祥字服氏註引者直作詳無侵字皆見

異也 釋文侵羊二傳作祫祥

殺同左氏

謹案公羊祲作侵假音字祥作羊古省文 公羊古義棟案

古祥字皆作詳易履上九視履考祥釋文云本又作詳尚書

君奭云其終出于不祥蔡邕石經云其道出于不詳呂刑告

爾祥刑後漢劉愷傳引作詳刑鄭氏周禮注亦云度作詳刑

以詰四方皆古祥字故左傳祲祥服虔引公羊作詳今公羊

作侵羊者春秋繁露云羊之爲言猶祥與鄭衆百官六禮辭

亦云羊者祥也疑古祥字詳字皆省作羊 原注詳善也鄭注車人亦云羊善也

詳亦訓善 周易大壯象不能退不能遂不詳也釋文詳詳審

也鄭王肅作祥善也 周易集解困六三象入于其宮不見

其妻不詳也 周易本義辯證履視履考祥音訓晁氏曰祥

鄭荀皆作詳 公羊宣十二年傳告從不赦不詳注善用心

曰詳 春秋繁露王道篇告從不赦不詳 說文元部祥福

也从元羊聲繁傳通釋臣鎔按禮說羊祥也从羊亦有取焉

祥之言詳也天欲降以禍福先以吉凶之兆詳審告悟之也

羊部羊祥也繁傳通釋臣鎔曰說禮者云羊吉祥也 釋文

釋車羊祥也 史記自序嘗竊觀陰陽之術大祥集解徐廣

曰一作詳 逸周書皇門解以昏求臣作威不詳注詳善也

隸續沛相范皮闕旁輒曰利于萬會羊洪云漢代器物銘

多以羊爲祥元嘉刀銘宜侯王大吉羊洪云以羊爲祥 金

石契吉羊洗亦以羊爲祥 山左金石志漢鏡銘口龍白虬

辟不詳 墨子明鬼下篇不能敬若以取羊畢氏云秦漢金

石多以羊爲祥迎敵祠篇不脩義詳畢氏云祥同 荀子論
身篇則可謂不詳少者矣注詳當爲祥成相篇慎墨季惠百
家之說誠不詳注詳或爲祥

左氏秋季孫意如會晉韓起齊國弱宋華亥衛北宮佗鄭罕虎曹
人杞人于厥愁

釋文愁魚靳反徐五巾反一音牛轄反

公羊秋季孫隱如會晉韓起齊國酌宋華亥衛北宮佗鄭軒虎曹
人杞人于屈銀

疏齊國酌者賈氏作酌字與此同服氏及穀梁皆作齊國弱
字也 釋文屈銀竝如字二傳作厥愁

穀梁同左氏

謹案公羊作屈銀假音字國酌軒虎說見元年 公羊古義

案左傳厥懋徐仙民音五巾反說文𦏧讀若銀又云懋从心

𦏧聲公羊本口授故以厥爲屈

原注公羊厥字皆作屈

懋爲銀字異而

音同

說文犬部𦏧犬張斷怒也从犬來聲讀又若銀心部

懋問也謹敬也从心𦏧聲一曰說也一曰甘也

左

冬十有一月丁酉楚師滅蔡執蔡世子有以歸用之

公

同左氏

穀

冬十有一月丁酉楚師滅蔡執蔡世子有以歸用之

謹案穀梁作世子友或古文 史記蔡世家注引世本作太

子友

十二年

左氏楚殺其大夫成熊

傳楚子謂成虎若敖之餘也遂殺之或譖成虎于楚子成虎知之而不能行書曰楚殺其大夫成虎懷寵也 正義曰經書熊傳言虎者此人名熊字虎傳言其字經書其名名字相覆猶伯魚名鯉

公羊殺其大夫成然

釋文成然左氏作成熊穀梁作成虎字

穀梁楚殺其大夫成虎

謹案左氏傳明云書曰楚殺其大夫成虎則經文作虎字可知故穀梁經直作虎字今左氏經文作成熊或篆文殘脫致誤正義謂名熊字虎則古人未有以一物爲名又以一物爲

字者即以伯魚爲證伯魚名鯉固未嘗以別一魚名爲字也

其說不得通矣至公羊作成然又因熊然形勢相似致譌

汗簡卷上之二

虎見說文

卷中之二

熊

樵古遺文

虎

左冬十月公子慙出奔齊

釋文慙魚覲反一讀爲整正領反

公冬十月公子整出奔齊

釋文整之領反或作慙魚覲反

穀同左氏

謹案公羊作整聲之譌 說文友部整齊也从友从東从正

正亦聲

十三年

右氏楚公子棄疾殺公子比

羊公楚公子棄疾弑公子比

傳比已立矣其稱公子何其意不當也其意不當則曷爲加弑焉爾比之義宜乎效死不立大夫相殺稱人此其稱名氏以弑何言將自是爲君也

穀同左氏

謹案經稱公子是未成君之稱故左氏經作殺公羊作弑聲之譌傳据弑文爲解未可從

十五年

左氏春王正月吳子夷末卒

公春王正月吳子夷昧卒

唐石經作昧注疏本作昧

羊公春王正月吳子夷昧卒

釋文夷昧音末本亦作末

穀

同左氏

釋文末亡葛反

謹案說文日部有味字無昧字玉篇昧昧並見廣韻十八隊
中有昧字十三末中有昧字漢書高帝紀漢軍方圍鍾離昧
於滎陽東師古曰昧莫葛反其字從本末之末李廣利傳立
宛貴人之故時遇漢善者名昧蔡爲宛王師古曰昧音本末
之末此皆後人過于區別其實古人祇作昧或讀去聲或讀
入聲隨其方也左氏作夷末公羊作夷昧聲之轉耳 史記
吳太伯世家長曰諸樊次曰餘祭次曰餘昧次曰季札正義
曰昧莫葛反刺客傳次曰夷昧 公羊襄二十七年傳昧維

彼視釋文昧舊音芻亡粉反一音末又音蔑割也 釋名釋

親屬篇妹昧也疏證曰莊子釋文引作末也 說文日部昧

爽且明也从日未聲一曰闇也 唐韻正十三末末莫撥切

去聲則莫佩反春秋昭十五年吳子夷末卒公羊傳作夷昧

史記天官書楚唐昧正義曰昧莫葛反楚世家以韓公子

昧爲齊相也正義曰昧莫葛反樂毅傳南敗楚相唐昧於重

邱索隱曰昧莫葛反大宛傳宛貴人昧蔡索隱曰昧音末

左氏夏蔡朝吳出奔鄭

公羊夏蔡昭吳奔鄭

疏左氏穀梁皆言朝吳出奔鄭今此作昭吳字又不言出者

所見之文異 釋文昭吳左氏作朝吳

穀同左氏

謹案公羊脫出字朝吳作昭吳假音字 廣韻三蕭朝早也
亦姓左傳有蔡大夫朝吳陟遙切

十六年

左氏楚子誘戎蠻子殺之

注河南新城縣東南有蠻城 正義曰杜言河南新城縣東南有蠻城則是內地之戎在楚北也戎是種號蠻是國名子
爵也

公羊楚子誘戎曼子殺之

釋文戎曼音蠻又音萬二傳作戎蠻哀四年同

穀同左氏

謹案蠻曼音相近公羊作戎曼子假音字 說文又部曼从

又冒聲虫部蠻从虫緜聲 續漢書郡國志一河南新城有

鄆聚古鄆氏今名蠻中注左傳昭十六年楚殺鄆子 水經

注伊水篇伊水又北逕新城東與吳澗水會水出縣之西山

東流南屈逕其縣故城西又東轉逕其縣南故蠻子國也縣

有鄆聚今名蠻中是也漢惠帝四年置縣汝水篇汝水東歷

麻解城北故鄆鄉城也謂之蠻中左傳所謂單浮餘圍蠻氏

蠻氏潰者也杜預曰城在河南新城縣之東南 東觀漢記

光武皇帝紀后父郭昌爲陽安侯子流縣曼侯 後漢書郭

后紀作縣蠻

十有七年

左氏 八月晉荀吳帥師滅陸渾之戎

公羊 八月晉荀吳帥師滅賁渾戎

穀梁 八月晉荀吳帥師滅陸渾戎

說見宣公三年

二十年

左氏 夏曹公孫會自鄆出奔宋

注鄆曹邑 釋文鄆莫公反一音亡增反字林音夢案鄆字

字林亡忠反

公羊 同左氏

釋文鄆音蒙又亡忠反又亡貢反一音亡增反

穀梁 夏曹公孫會自夢出奔宋

釋文夢無工反又亡忠反又亡弄反本或作蔑左氏作鄆

謹案鄆字古祇作夢說文邑部無鄆字玉篇始加邑作鄆廣韻因之以此知左氏公羊作鄆皆後人增邑穀梁作夢當是古文 玉篇邑部鄆莫中切曹邑也 廣韻一東部麗邑名在魯郡莫中切

左氏秋盜殺衛侯之兄縶

釋文縶張立反

公羊秋盜殺衛侯之兄輒

釋文輒左氏作縶

輒同公羊

傳輒者何也曰兩足不能相過齊謂之綦楚謂之跣衛謂之

韞 釋文韞如字或云音近繫左氏作繫綦音其又其冀反
劉兆云綦連併也躡女韞反劉兆云聚合不解也韞本亦作
繫劉兆云如見繫糾也

謹案公穀作輒假音字 經義雜記二十一案說文馬部馬

絆馬也从馬口其足讀若輒繫馬或从糸執聲則輒當作鬲
蓋兩足不能相過如馬之繫絆其足不能馳走左氏作繫者
鬲之或體公羊穀梁作輒者鬲之同聲假借字也 說文車

部輒車兩輪也从車兀聲

左氏冬十月宋華亥向寧華定出奔陳

公羊冬十月宋華亥向寧華定出奔陳

釋文向甯二傳作向寧

梁殺同左氏

說見僖公七年盟于甯母下

二十一年

左氏宋華亥向寧華定自陳入于宋南里以叛

羊公宋華亥向甯華定自陳入于宋南里以畔

梁殺同左氏

謹案叛畔音義通寧甯亦通假字說詳僖公七年盟于甯母

下說又半部叛半也从半反聲田部畔田界也从田半聲

左氏八月乙亥叔輒卒

注叔弓之子伯張

羊公八月乙亥叔痤卒

疏左氏穀梁作叔輒 釋文叔座在禾反左氏作叔輒

穀梁同左氏

謹案公羊作座方音支歌二部通轉之譌 老子道經考異

唐傅奕定本或培或墮培河上公作載王弼作挫

左氏冬蔡侯朱出奔楚

傳蔡侯朱出奔楚費無極取貨于東國而謂蔡人曰朱不用

命于楚君王將立東國若不先從王欲楚必圍蔡蔡人懼出

朱而立東國朱愬于楚 注東國隱大子之子平侯廬之弟

朱叔父也

公羊同左氏

疏左氏與此同穀梁作蔡侯東

穀梁冬蔡侯東出奔楚

傳東者東國也 釋文蔡侯東左氏及公羊作蔡侯朱

謹案朱與東形勢相似或篆文殘脫致譌爲東穀梁遂以東國解之史記蔡世家云東國攻平侯子而自立固不從穀梁說也當以左氏爲正

二十二年

左氏大蒐于昌閒

釋文閒如字

公羊大蒐于昌姦

釋文大庾所求反本亦作蒐昌姦二傳作昌閒

穀梁同左氏

釋文閒如字一音簡

謹案閒姦音相近公羊作昌姦假音字蒐唐公羊石經亦作蒐釋文作大廋石經不盡從釋文也

二十三年

左氏戊辰吳敗頓胡沈蔡陳許之師于雞父胡子髡沈子逞滅獲

陳夏齧

注雞父楚地安豐縣南有雞備亭 釋文父音甫逞勅并反

公羊戊辰吳敗頓胡沈蔡陳許之師于雞父胡子髡沈子逞滅獲

陳夏齧

釋文雞父音甫楹音盈左氏作逞穀梁作盈

穀梁戊辰吳敗頓胡沈蔡陳許之師于雞父胡子髡沈子逞滅獲

陳夏齋

釋文雞甫左氏作雞父盈本亦作逞

謹案父甫古字通逞楹音相近故公羊作楹穀梁作盈亦假

音字 詩大雅緜古公亶父釋文父音甫本亦作甫崧高序

崧高尹吉甫美宣王也釋文甫本又作父音同後人名放此

韓奕顯父餞之釋文父音甫本亦作甫商頌那序有正考甫

者得商頌十二篇于周之大師以那爲首釋文父音甫本亦

作甫 詩小雅祈父 隸釋高楊令楊著碑頌甫 大雅緜

古公亶父 孟子梁惠王章句下古公亶甫 隸釋巴郡太

守樊敏碑亶甫 莊子讓王篇大王亶父 儀禮士冠禮伯

某甫注甫是丈夫之美稱孔子爲尼甫周大夫有嘉甫宋大

夫有孔甫是其類甫字或作父記章甫殷道也注甫或爲父
士相見禮若父則遊目注今文父爲甫 禮記禮器注禪乎

梁甫釋文父字亦作甫 左氏桓十二年經公會鄭伯盟于

武父釋文父音甫地名有父字者皆同甫音 公羊隱元年

經公及邾婁儀父盟于昧釋文父音甫本亦作甫人名字放

此 經義雜記十五說文父作只从父舉杖甫作尃从用父

父亦聲是父甫本同聲故經傳多借父爲甫 釋名釋親父

甫也始生已也 史記高祖本紀單父人呂公集解漢書音

義曰父音甫又沛公還軍亢父集解鄭德曰父音甫 漢書

武帝紀至於梁父師古曰父讀曰甫古今人表柏夷亮父師

古曰父讀曰甫律歷志下變父禽父師古曰父讀曰甫五行

志中之上宋父呂驕師古曰父讀曰甫甫者男子之通號中

之下公孫歸父會齊伐莒師古曰父讀曰甫地理志下至周

有造父師古曰父讀曰甫藝文志呂望爲周師尙父師古曰

父讀曰甫也賈誼傳章父薦屨師古曰父讀曰甫鄒陽傳魯

公子慶父師古曰父讀曰甫翟方進傳周公攝政而管蔡挾

祿父呂叛師古曰父讀曰甫谷永傳呂遠皇父之類師古曰

父讀曰甫王莽傳上封父之繁弱師古曰父讀曰甫 人表

攷大王亶父父又作甫原注書大傳略說韓詩外傳十論宋

弗父何宋湑公生弗甫何始見商頌序疏引世本父又作甫

中山父亦曰山甫原注後漢書楊賜傳郭茂倩樂府魏宋正

考父始見詩商頌序原注序嘉父儀禮士冠禮注作嘉甫王

子成父始見左文十一又作成甫

原注晏子春秋問上新序四

越石父父

又作甫

原注新序節士公父文伯

原注韓詩外傳一父作甫案國策趙策三亦作甫

國語

周語上祭公謀父舊音父音甫補音案諸經史唯父母字外

其餘凡涉地名或人之名字皆音甫古多借父字爲之伯陽

父尼父之類是也說文甫字从父用男子之美稱經史以二

字通用但音別爾顏氏家訓音辭篇甫者男子之美稱古

書多假借爲父字北人遂無一人呼爲甫者亦所未喻唯管

仲范增之號須依字讀耳左氏襄二十一年經晉欒盈出

奔楚史記十二諸侯年表晉平公彪七年欒逞奔齊齊世

家莊公三年晉大夫欒盈奔齊集解徐廣曰史記多作逞晉

世家平公六年晉欒逞有罪奔齊

左氏冬公如晉至河有疾乃復

傳公爲叔孫故如晉及河有疾而復

公冬公如晉至河公有疾乃復

傳何言乎公有疾乃復殺取也 注舉公者重疾也子之所

慎齊戰疾

穀同公羊

傳疾不志此其志何也釋不得入乎晉也

謹案公穀衍下公字何劭公遂曲爲之解從左氏爲得

二十四年

左氏媾至自晉

公叔孫舍至自晉

穀
梁同左氏

謹案左氏無叔孫二字舍族尊盟主之義也使若有罪得釋然公羊有叔孫二字或衍文

左
氏
丁酉杞伯郁釐卒

釋文郁於六反釐本又作釐力之反又音來

公
羊
丁酉杞伯鬱釐卒

疏左氏穀梁作郁釐字今正本亦有郁字者 釋文鬱釐音

來又力之反本亦作釐二傳作郁釐

穀
梁
同左氏

謹案鬱郁音相近故公羊作鬱釐 汗簡有部械注云郁見

古論語 史記杞世家文公十四年卒弟平公鬱立索隱曰

一作郁釐譙周云名鬱來蓋鬱郁釐來聲相近遂不同也

二十五年

左夏叔詣會晉趙鞅宋樂大心衛北宮喜鄭游吉曹人邾人滕人薛人小邾人于黃父

釋文詣五計反

公夏叔倪會晉趙鞅宋樂大心衛北宮喜鄭游吉曹人邾婁人滕人薛人小邾婁人于黃父

疏穀梁與此同左氏經賈註者作叔詣字 釋文倪音詣又

五兮反左氏作詣樂世心世如字又以制反左氏作大心

穀梁夏叔倪會晉趙鞅宋樂大心衛北宮喜鄭游吉曹人邾人滕人薛人小邾人于黃父

釋文倪五計反又五兮反左氏作詒

此見二十九年
經叔倪卒下

謹案倪誦音相近公穀作叔倪音之譌大與世古字通說見

文公十三年大室屋壞下

左氏有鸚鵒來巢

傳有鸚鵒來巢書所無也 注此鳥穴居不在魯界故曰來

巢非常故書 釋文鸚其俱反嵇康音權本又作鴝音劬公

羊傳作鸚音權鴝音欲

公羊有鸚鵒來巢

注鸚鵒猶權欲宜穴 釋文鸚音權左氏作鸚音劬鴝音欲

穀同左氏

釋文鸚其俱反木又作鸚音權左氏作鸚公羊作鸚

謹案公羊作鸛鶴方音之轉 周禮考工記鸛鶴不隄濟注
鸛鶴鳥也春秋昭二十五年有鸛鶴來巢疏左氏傳作鸛鶴
公羊傳作鸛鶴此經註皆作鸛字與左氏同釋文鸛徐劉音
權公羊傳同本又作鸛左傳同其俱反 說文鳥部鸛鸛
也从鳥句聲鸛鸛也 从鳥谷聲古者鸛不隄涉 玉篇
鸛具愚切鸛鸛也鸛同上鸛音浴鸛鸛鸛巨員切鸛鸛亦鸛
鸛也 一切經音義十九鸛鸛又作鸛同其俱反下以屬反
似反舌頭有兩毛角者山海經公羊傳並作鸛音權 山海
經中山經又原之山其鳥多鸛鸛注鸛鸛也傳曰鸛鸛來巢
音隄

左氏 九月己亥公孫于齊次于陽州

注揚州齊魯竟上邑

公羊 九月己亥公孫于齊次于揚州

釋文揚州左氏作陽州

^穀梁 九月乙亥公孫于齊次于揚州

謹案公羊作揚州假音字己亥穀梁作乙亥以釋例長歷推之九月不得有乙亥或字之謫 釋例長歷九月戊子朔己亥十二日 春秋集傳纂例左氏公羊作己亥 禮記玉藻盛氣顛實揚休注揚讀爲陽聲之誤也

二十六年

^左氏 尹氏召伯毛伯以王子朝奔楚

注召伯當言召氏經誤也尹召族奔非一人故言氏

傳十一月辛酉晉師克鞏召伯盈逐王子朝王子朝及召氏之族毛伯得尹氏固南宮隰奉周之典籍以奔楚

公羊尹氏召伯毛伯以王子朝奔楚

疏穀梁與此同左氏召伯作召氏

穀梁同公羊

謹案杜注左氏本亦作召伯公羊疏以爲左氏召伯作召氏或所見本異

二十八年

左氏夏四月丙戌鄭伯寧卒

公羊夏四月丙戌鄭伯甯卒

釋文伯甯乃定反下同左氏并下滕子名並作寧

穀
梁同左氏

說見僖公七年盟于甯母下

左
氏秋七月癸巳滕子寧卒

公
羊秋七月癸巳滕子甯卒

穀
梁同左氏

同上

三十年

左
氏冬十有二月吳滅徐徐子章羽奔楚

公
羊冬十有二月吳滅徐徐子章禹奔楚

穀
梁同左氏

謹案公羊作章禹假音宇

三十一年

左氏季孫意如會晉荀躒于適歷

釋文躒力狄反適丁歷反

公季孫隱如會晉荀櫟于適歷

釋文荀櫟本又作躒又作櫟亦滴櫟也皆同力狄反一音與

灼反

設季孫意如會晉荀櫟于適歷

釋文櫟音歷舊作躒

謹案公穀作櫟通假字 左氏昭五年傳輔躒釋文櫟力狄

反又力各反本又作躒同昭九年傳使荀躒佐下軍釋文躒

本又作櫟力狄反徐音洛十五年傳晉荀躒如周葬穆后釋

文櫟力狄反本又作躒 國語晉語九知宣子將以瑤爲政
注知宣子晉卿荀櫟之子甲也舊音櫟音歷左傳作躒補音
本亦作躒字通

左氏冬黑肱以濫來奔

公羊冬黑弓以濫來奔

釋文黑弓二傳作黑肱

穀梁同左氏

謹案左氏傳有周公黑肩公子黑臀此邾黑肱義亦相類肱
弓音相近故公羊譌爲弓 韻補十七真弓姑宏切弧也公
羊傳書黑弓左氏穀梁傳作黑肱儀禮侯道五十弓注今文
改弓爲肱 唐韻正一東弓居戎切古音肱案弓字古無讀

居戎反者當改入蒸韻元戴侗六書故曰弓古音姑宏切而躬字从呂詩躬與宮宗協見於雲漢弓與繩磨協見於小戎采綠較然不紊弓非躬之聲也漢書儒林傳子庸授江東

馭臂子弓

案此亦借弓爲肱

三十二年

左氏冬仲孫何忌會晉韓不信齊高張宋仲幾衛世叔申鄭國參曹人莒人薛人杞人小邾人城成周

注世叔申世叔儀孫也

公羊冬仲孫何忌會晉韓不信齊高張宋仲幾衛世叔申鄭國參曹人莒人邾婁人薛人杞人小邾婁人城成周

穀梁冬仲孫何忌會晉韓不信齊高張宋仲幾衛大叔申鄭國參

曹人莒人邾人薛人杞人小邾人城成周

謹案穀梁世作大古字通說詳文公十三年大室屋壞下左
氏莒人下脫邾人二字

靈川舉人秦培璠對字

皇清經解卷一千三百一十二終

皇清經解卷一千三百一十三

學海堂

春秋異文箋

仁和趙徵君地著

定公三年

左二月辛卯邾子穿卒

公三月辛卯邾婁子穿卒 唐石經原改作二月

疏三月辛卯云云公羊殺梁皆作三月左氏作二月未知孰

正

設同公羊 唐石經作二月

謹案杜氏長麻以辛卯在二月則左氏爲是 春秋釋例長

歷定公三年甲午二月癸亥朔辛卯二十九日

左氏冬仲孫何忌及邾子盟于拔

釋文拔皮八反

公羊冬仲孫何忌及邾婁子盟于枝

釋文枝二傳作拔

梁穀同左氏

謹案拔與枝字形相似音亦相近公羊作枝或由此譌漢書地理志上北海郡樂都侯國莽曰拔莖一作杖一作枝也

荀子彊國篇拔戟加乎首則十指不辭斷注拔或作枝

困學紀聞六左氏衛公叔發注謂公叔文子論語孔注作公

孫拔集注云公孫枝益傳寫之誤闕若滕云按鄒氏注發亦云名拔或作發

四年

左氏夏四月庚辰蔡公孫姓帥師滅沈以沈子嘉歸殺之

釋文公孫生本又作姓音生

羊公夏四月庚辰蔡公孫歸姓帥師滅沈以沈子嘉歸殺之

釋文公孫歸姓二傳無歸字姓音生又音性

穀同左氏

謹案昭元年經會于虢左公穀皆作蔡公孫歸生此經左穀無歸字或闕文生姓古通假字 說文女部姓人所生也古之神聖母感天而生子故稱天子从女从生生亦營春秋傳曰天子因生以賜姓

左五月公及諸侯盟于臯鼫

注繁昌縣東南有城臯亭 釋文鼫由又反

羊公五月公及諸侯盟于涪油

釋文浩油戶老反又古老反下音由一音羊又反二傳作臯
鮑

穀梁同左氏

謹案公羊作浩油亦假音字又案鹽鐵論引春秋多從公羊

說和親篇引此又作誥鮑公羊古義古讀臯爲浩鮑爲由

原注爾雅釋訓云臯臯瑯瑯
刺素食也樊光本浩浩瑯瑯

左氏杞伯成卒于會

釋文成音城

羊公杞伯成卒于會

釋文戌音茂又音恤二傳作成

梁設同左氏

謹案公羊作杞伯戊或傳寫之譌 史記杞世家平公十八年卒子悼公成立

左氏 晉士鞅衛孔圉帥師伐鮮虞

釋文圉魚呂反

公羊 晉士鞅衛孔圉帥師伐鮮虞

釋文圉魚呂反左氏作圉虞本或作吳音虞

梁穀 同左氏

謹案圉音同義通古或通用 說本口部圉守之也从口

吾警牽部圉圉所以拘罪人从牽从口一曰圉垂也一曰

圉人掌馬者 班馬字類圉漢書藝文志列子名圉寇音禦

圉漢書陳咸傳贊可謂不畏疆圉讀作禦 漢書地理志下

天水郡冀禹貢朱圉山在縣南師古曰圉讀與圍同 隸釋

堯廟碑詔磬祝圖

案詩作圍

大饗碑下及陪臺隸圖

左氏冬十有一月庚午蔡侯以吳子及楚人戰于柏舉楚師敗績

注柏舉楚地

公羊冬十有一月庚午蔡侯以吳子及楚人戰于伯莒楚師敗績

釋文伯莒左氏作柏舉

穀梁冬十有一月庚午蔡侯以吳子及楚人戰于伯舉楚師敗績

謹案柏與伯古字通假舉公羊作莒亦假音字 書序作西

伯戡黎釋文伯亦作柏 漢書古今人表柏皇氏柏夷亮父

柏招柏奮柏虎柏譽柏益柏陽逢公柏陵柏因柏樂柏卦叔

邊柏 人表攷柏夷亮父伯柏古通表中伯仲之伯多作柏

戰國策楚策一昔者吳與楚戰于柏舉燕策二果與伯舉

之戰 水經注江水篇江水又東逕上磧北山名也仲雍謂

之大小竹磧北岸烽火洲卽舉洲也北對舉口仲雍作莒字

得其音而忘其字非也又云舉水南流注于江謂之舉口南

對舉洲春秋左傳定公四年吳楚陳于柏舉京相璠曰漢東

地矣江夏有汨水或作舉疑卽此也 中州金石記開母廟

石闕銘柏鮪稱遂義作伯 山左金石志七武梁石室畫象

柏榆傷親年老蓋以柏榆爲伯俞也 穆天子傳河宗之子

孫鄰柏絮注柏爵絮名古伯字多從木 晏子春秋內篇問

下柏常馮去周之齊音義家語作伯 呂覽重言成公賈之

聽也賢於太宰嚭之說也注嚭晉柏州犁之子

左氏庚辰吳入郢

公羊庚辰吳入楚

穀梁同公羊

謹案公穀作楚或傳譌 困學紀聞六書吳入郢楚昭出奔
猶有君也申包胥求救猶有臣也故不言楚書於越入吳國
無人焉如升虛邑故言吳

五年

左氏春王三月辛亥朔日有食之

公羊春王正月辛亥朔日有食之

穀梁同左氏

謹案公羊作正月字之譌 釋例長麻三月辛亥朔日食

六年

左氏春王正月癸亥鄭游速帥師滅許以許男斯歸

公羊春王正月癸亥鄭游速帥師滅許以許男斯歸

梁穀同左氏

說見僖公二十六年公會莒子衛甯速盟于向下

七年

左氏齊侯衛侯盟于沙

傳云盟于瑣 注瑣卽沙也 釋文沙如字又星和反

公羊齊侯衛侯盟于沙澤

梁穀同左氏

謹案左穀作盟于沙當是省澤字僖公二年盟于貫公羊經

三十三
五
作盟于貫澤是左穀亦省澤字公羊不省或衍文 釋例土
地名衛地沙瓌二名陽平元城縣東南有沙亭

八年

左氏 晉士鞅帥師侵鄭遂侵衛

傳秋晉士鞅會成桓公侵鄭圍蟲牢報伊闕也遂侵衛

公羊 晉趙鞅帥師侵鄭遂侵衛

穀 同左氏

謹案公羊作趙鞅亦傳譌 釋例世族譜趙鞅趙成子 程

公說春秋分記杜伯生隰叔隰叔生蔦蔦生穀穀生會以隨
爲氏亦曰范氏生二子曰燮曰魴燮生句魴生魚表河生鞅
鞅生二子曰吉射曰臯夷

九年

左夏四月戊申鄭伯蠆卒

釋文蠆勅邁反

羊公夏四月戊申鄭伯嚙卒

釋文嚙勑邁反左氏作蠆

穀同左氏

說見襄公十四年會吳于向下

十年

左夏公會齊侯于夾谷

釋文夾古洽反又古協反二傳作頰

羊公夏公會齊侯于頰谷

釋文頰古協反左氏作夾谷

穀同公羊

釋文頰古協反左傳作夾谷

謹案夾頰音同義通古或通用 左氏僖二十八年傳狐毛

狐偃以上軍夾攻子西釋文夾古洽反又音頰 釋名頰夾

也面旁稱也亦取挾斂食物也 匡謬正俗一詩傳曰山夾

水曰澗此引爾雅正文言兩山夾水名之爲澗居然可曉而

劉周之徒又音夾爲頰 水經注淮水篇游水又北逕祝其

縣故城西春秋經書夏公會齊侯于夾谷左傳定公十年公

及齊平會于祝其寔夾谷也服虔曰地二名王莽更之曰猶

亭縣之東有夾口浦

左氏齊人來歸鄆謹龜陰田

釋文鄆音運謹火官反

公羊齊人來歸運謹龜陰田

穀梁齊人來歸鄆謹龜陰之田

謹案公羊鄆作運假音字說詳文十二年城諸及鄆下穀梁

衍之字

左氏秋叔孫州仇仲孫何忌帥師圍郕

傳侯犯以郕叛武叔懿子圍郕弗克秋二子及齊師復圍郕

公羊秋叔孫州仇仲孫何忌帥師圍費

疏左傳穀梁此費字皆爲郕但公羊正本作費字與二家異

賈氏不云公羊曰費者蓋文不備或所見異也

穀同左氏

謹案左氏傳明云秋復圍郕穀梁亦作郕自當以郕字爲正且郕邑屬叔孫氏故圍郕叔孫爲主費邑屬季氏若有事于費帥師者當爲季氏不當獨任叔孫也以是知公羊作費或傳受之譌

左氏宋樂大心出奔曹

公羊宋樂世心出奔曹

疏宋樂世心者世字亦作泄字者故賈氏言焉左氏穀梁作大字

穀同左氏

已見昭公二十五年會于黃父經文說詳文公十三年大室

屋壞下

左氏宋公子地出奔陳

公羊宋公子池出奔陳

釋文池左氏作地

穀梁同左氏

謹案池與地古皆讀若駝故公羊作池 唐韻正五支池古

音駝六至地古音沱韻補地唐過切陳第曰案詩稱天凡一百一十有四其稱天子尙多皆鐵因反獨稱地甚少在斯干者韻禡與今音同又考說文地从土也聲也古通它故池馳地施皆讀沱疑地亦此音及讀屈原橘頌以過韻地過讀平聲正叶沱字揚雄羽獵賦亦同此例吳才老收地入箇韻讀

爲情則過可如字讀沓情亦平去閒耳案斯干九章以地瓦儀議羅爲韻而子禡二字可不入韻不當以此證其爲今音也 莊子大宗師篇相造乎水者穿池而養給釋文池本亦作地崔同

左氏宋公之弟辰暨仲佗石彊出奔陳

公羊宋公之弟辰暨宋仲佗石彊出奔陳

注復出宋者惡仲佗悉欲帥國人去故舉國言之公子池樂世心石彊從之皆是也

穀梁同公羊

謹案公穀衍宋字何劭公亦曲爲之說

左氏冬齊侯衛侯鄭游速會于安甫

公羊冬齊侯衛侯鄭游邀會于鞏

疏會于鞏者左氏穀梁作安甫賈氏不云公羊曰鞏皆亦是文不備穀梁經甫亦有作蒲字者 釋文于鞏左氏作安甫

穀梁同左氏

謹案安鞏音同公羊祇作鞏或脫甫字

十二年

左氏冬十月癸亥公會齊侯盟于黃

公羊冬十月癸亥公會晉侯盟于黃

穀梁同左氏

謹案公羊作晉侯方音之譌說見昭公十年齊欒施來奔下

十三年

左氏春齊侯衛侯次于垂葭

釋文葭音加

公羊春齊侯衛侯次于垂瑕

釋文垂瑕如字又音加二傳作垂葭

穀梁春齊侯次于垂葭

謹案公羊作垂瑕亦假音字穀梁脫衛侯二字

左氏冬晉荀寅士吉射入于朝歌以叛

公羊冬晉荀寅及士吉射入于朝歌以叛

穀梁同左氏

謹案公羊衍及字

十四年

左氏春衛公叔戍來奔衛趙陽出奔宋

傳衛侯逐公叔戍與其黨故趙陽奔宋戍來奔注陽趙屬

孫正義曰案世本懿子兼生昭子舉舉生趙陽兼卽顯也

公羊春衛公叔戍來奔晉趙陽出奔宋从唐石經

疏穀梁與此同左氏作衛趙陽字也釋文晉趙鞅左氏作

衛趙陽

穀梁同公羊

釋文晉趙陽左氏作衛趙陽

謹案衛趙陽左氏傳既有明文又有世本足據當以左氏經文爲正公羊穀梁作晉趙陽似因十三年經有晉趙鞅入于晉陽以叛之文遂誤以衛爲晉衛與晉方音亦通轉公羊釋

文作鞅陽鞅音亦相近

左氏二月辛巳楚公子結陳公孫佗人帥師滅頓以頓子牂歸

經初刻作三月磨改作二月

釋文牂子郎反

公羊二月辛巳楚公子結陳公子佗人帥師滅頓以頓子牂歸

經作三月汲古閣注疏本亦作三月並譌

疏左氏穀梁皆作頓子牂字賈氏不註文不備 釋文公子

佗人大河反二傳作公孫佗人牂七良反二傳作牂

穀梁同左氏

釋文牂作郎反

謹案牂牂音相近故公羊作牂公孫佗人公羊作公子佗人

或偏旁脫去致譌 說文羊部牂牡羊也从羊月聲倉部膾
鳥獸來食聲也从倉月聲虞書曰鳥獸膾膾

左氏 五月於越敗吳于檣李

注檣李吳郡嘉興縣南醉李城 釋文檣音醉依說文從木

公羊 五月敗吳于醉李

釋文醉李本又作檣音同

穀梁 同左氏

謹案檣醉音同公羊作醉假音字越絕書作就李方音之轉
說文木部檣以木有所擣也从木雋聲春秋傳曰越敗吳
于檣李 史記吳太伯世家越王句踐迎擊之檣李集解檣
音醉賈逵曰檣李越地 漢書地理志下敗之雋李師古曰

雋音醉字本作橋其旁從木 越絕書柴辟亭到語兒就李
吳侵以爲戰地又云語兒鄉故越界名曰就李 吳越春秋
闔閭內傳遂伐破橋里

左氏

公會齊侯衛侯于牽

注魏郡黎陽縣東北有牽城

公羊

公會齊侯衛侯于堅

釋文堅如字本又作擊音牽左氏作牽

穀梁

同左氏

釋文章去賢反

謹案牽堅音相近故公羊作堅

十五年

左氏鄭罕達帥師伐宋

公羊鄭軒達帥師伐宋

釋文軒達左氏作罕達

穀梁同左氏

說見昭公元年會于統下

左氏齊侯衛侯次于渠蔭

傳齊侯衛侯次于蘧擘 釋文蘧音渠擘女居反又女加反

公羊齊侯衛侯次于蘧蔭

穀梁同左氏

謹案渠蘧蔭音皆同故公羊作蘧蔭左氏傳又作蘧擘亦

假音字 左氏成八年傳與渠邱公立于池上注渠邱邑名

三十三
三十三
三十三
苗縣有蘧里 因學紀聞三崔駟七依說宮室之美云夏屋
渠渠文選靈光殿賦注引七依作蘧蘧

左氏 秋七月壬申嬖氏卒

公 同左氏

注嬖氏杞女 疏穀梁作弋氏字

穀梁 秋七月壬申弋氏卒

釋文弋氏羊職反哀公之母左氏作嬖氏

說見襄公四年夫人嬖氏薨下

左氏 丁巳葬我君定公雨不克葬戊午日下及乃克葬

釋文吳音側

公 同左氏

注昃日西也易曰日中則昃是也下昃蓋晡時

穀

丁巳葬我君定公雨不克葬戊午日下稷乃克葬

釋文稷如字昃也左氏作吳

謹案昃稷音相近穀梁作稷亦假音字 周易豐彖日中則

昃釋文吳孟作稷 尙書中候握河紀至于日稷運衡篇退

俟至于下稷考河命篇至于下稷鄭注稷讀曰側下側日西

之時 說文日部廂日在西方時側也从日仄聲易曰日廂

之離臣鉉等曰今俗別作吳非是漢隸字原靈臺碑日稷不

夏肅閣頌劬勞日稷兮維惠勤費鳳別碑乾乾日稷案穀梁

戊午日下稷乃克葬集韻音吳說文日在西方時側也太元

君子應以太稷釋者云日將暮也音與吳同 白虎通諡篇

春秋曰丁巳葬戊午日下側乃克葬

左氏辛巳葬定姒

公羊同左氏

穀梁辛巳葬定弋

釋文定弋左氏作定姒

說見襄公四年

靈川舉人秦培璠對字

皇清經解卷一千三百一十二終

皇清經解卷一千三百一十四

學海堂

春秋異文箋

仁和趙徵君坦著

哀公元年

左氏饑鼠食郊牛改卜牛

公羊氏同左氏

穀梁氏饑鼠食郊角改卜牛

傳饑鼠食郊角改卜牛志不敬也

謹案穀梁有角字或衍文

二年

左氏秋八月甲戌晉趙鞅帥師及鄭罕達帥師戰于鐵鄭師敗績

注鐵在戚城南 釋文鐵天結反

羊公秋八月甲戌晉趙鞅帥師及鄭軒達帥師戰于栗鄭師敗績
疏諸家之經軒達之下皆有帥師唯服引經者無與諸家異
於鐵者三家同有作栗字者誤也今定本作栗字 釋文栗
一本作秩二傳作鐵

設
栗同左氏

謹案公羊鐵作栗或由聲誤罕作軒說見昭公元年會于統
下 水經注河水篇河水東逕鐵邱南春秋左氏傳哀公二
年鄭孚達帥師救衛郵無郵御簡子衛太子爲右登鐵上望
見鄭師衛太子自投車下卽此處也京相璠曰鐵邱名也杜
預曰在戚南河之北岸有古城戚邑也

三年

左氏季孫斯叔孫州仇帥師城啓陽

注啓陽今琅琊開陽縣

公羊季孫斯叔孫州仇帥師城開陽

釋文開陽左氏作啓陽開者爲漢景帝諱也

穀梁同左氏

謹案公羊作開陽此漢儒避景帝諱更易字非公羊子原文也公羊疏引戴宏序云子夏傳與公羊高高傳與其子平平傳與其子地地傳與其子敢敢傳與其子壽至漢景帝時壽乃共弟子齊人胡母子都著于竹帛與董仲舒皆見于圖讖是公羊經傳正當景帝時出故傳寫者遂改啓爲開又案啓開古音同部公羊作開亦或假音水經注沂水篇沂水又

南逕開陽縣故城東縣故鄆國也春秋左傳昭公十八年邾人襲鄆盡俘以歸鄆子曰余無歸矣從孥于邾是也後更名開陽矣春秋哀公三年經書季孫斯叔孫州仇帥師城啓陽者是矣縣故琅琊郡治也 儀禮既夕禮請啓期注今文啓爲開記啓之所注古文啓爲開士虞禮命佐食啓會注今文啓爲開記啓戶注今文啓爲開少牢饋食禮乃啓二尊之蓋畧注今文啓爲開 左氏閔元年正義魯世家閔公名開杜世族譜云名啓方漢景帝諱啓啓開因是而亂杜譜云啓方從世本文 穀梁閔元年疏魯世家閔公名開世本作啓方避漢景帝諱故爲開也 金石文字記開母廟石闕銘今在嵩山啓母廟南漢避景帝諱改啓之字曰開 荀子議兵篇

微子開封於宋注紂之庶兄名啓歸周後封於宋此云開晉
益漢景帝諱劉向改之也

四年

左氏春王二月庚戌盜弑蔡侯申

公作春王三月庚戌盜弑蔡侯申

梁穀同公羊

謹案釋例春秋長麻二月庚戌二十一日三月不得有庚戌
公穀作三月傳寫之譌

左氏晉人執戎蠻子赤歸于楚

公作晉人執戎蠻子赤歸于楚

梁穀同左氏

說見昭公十六年

左氏六月辛丑亳社災

注天火也亳社殷社諸侯有之所以戒亡國 釋文亳步洛

反

羊公六月辛丑蒲社災

傳蒲社者何亡國之社也社者封也其言災何亡國之社蓋
揜之揜其上而柴其下蒲社災何以書記災也 注蒲社者
先世之亡國在魯竟 疏曰公羊解以爲蒲者古國之名天
子滅之以封伯禽取其社以戒諸侯使事上又曰賈氏云公
羊曰蒲社也者蓋所見異 釋文蒲社左氏作亳社

欽同左氏

傳亳社者亳之社也亳亡國也亡國之社以爲廟屏戒也其
屋亡國之社不得上達也 集解殷都于亳武王克紂而班
列其社于諸侯以爲亡國之戒 疏書序云湯始居亳從先
王居孔註云契父帝嚳都亳湯自商邱遷焉故曰從先王居
及盤庚五遷將治亳殷是都亳之事

謹案公羊作蒲社卽亳社也何劭公不得斯指謂先世之亡
國在魯竟試思周公相武王誅紂伐奄滅國者五十厥後封
建諸侯皆亡國之故土何以獨立一蒲社于魯以爲戒耶其
說不得通矣亳社音同本作薄薄與蒲音亦相近故古又假
蒲爲薄 經義雜記一何氏墨守公羊未考左氏穀梁之經
不知蒲爲亳字之聲借 尙書大傳殷傳湯誓篇盍歸于薄

注薄湯之都也 詩商頌元鳥正義引漢書音義曰臣瓚案
湯居亳今濟陰薄縣是也 禮記郊特牲篇薄社北牖注薄
社殷之社殷始都薄釋文薄本又作亳 唐韻正十九鐸亳
傍各切平聲則音蒲春秋哀四年亳社災公羊作蒲社 史
記貨殖傳湯止于亳集解徐廣曰今梁國薄縣 漢書郊祀
志於杜亳有五杜主之祠韋昭曰亳音薄湯所都也臣瓚曰
濟陰薄縣是也師古曰杜卽京兆杜縣也此亳非湯都也不
在濟陰徐廣云京兆杜縣有薄亭斯近之矣郊祀志又曰亳
人謬忌奏祠泰一方如淳白亳亦薄也下所謂薄忌也晉灼
曰濟陰薄縣人也 續漢書郡國志二梁國薄故屬山陽所
都注杜預曰蒙縣西北有薄城中有湯冢左傳宋公子御說

奔亳 水經注汜水篇汜水又東逕大蒙城北自古不聞有
二蒙疑卽蒙亳也所謂景亳爲北亳矣椒舉云商湯有景亳
之命者也又云崔駰曰湯冢在濟陰薄縣北皇覽曰薄城北
郭東三里平地有湯冢泗水篇引崔駰曰帝命沃丁之時伊
尹卒葬于薄 逸周書殷祝解以薄之居注薄湯所居也

荀子諱兵篇古者湯以薄注薄與亳同 管子地數篇湯有
七十里之薄輕重甲篇伊尹以薄之游女工文繡纂組一純
得粟百鍾於桀之國又云夫湯以七十里之薄兼桀之天下

墨子非攻下篇湯奉桀眾以克有屬諸侯于薄畢氏注云
此作薄是也非命上篇古者湯封于亳畢氏注云當爲薄說
文云亳京兆杜陵亭也从高省毛聲史記集解云徐廣曰京

北杜縣有亳亭索隱云秦寧公與亳王戰亳王奔遂滅湯社
皇甫謐云周桓王時自有亳王號湯非殷也此亳在陝西長
安縣南若殷湯所封是河南偃師之薄書傳及本書亦多作
薄惟孟子作亳蓋借音字後人依改亂之顧炎武不考史記
反以此譏許君地里之謬是以不狂爲狂也 呂覽具備篇
湯嘗約於鄆薄矣注薄或作亳 山海經中山經薄山之首
畢氏云水經注引此作蒲山者蒲薄音之緩急通也 書序
成王既踐奄將遷其君於蒲姑周公告召公作將蒲姑釋文
蒲如字徐又扶各反馬本作薄序又云周公在豐將沒欲葬
成周公薨成王葬于畢告周公告亳姑 詩大雅烝民城彼
東方傳蓋去薄姑而遷於臨菑也 左氏昭九年傳蒲姑商

奄吾東土也注樂安博昌縣北有蒲姑城疏蒲姑齊也釋文
蒲如字又音薄 史記周本紀遷其君薄姑正義引括地志
亦作薄姑 漢書地理志上琅邪郡姑幕都尉治或曰薄姑
莽曰季睦應劭曰左氏傳曰蒲姑氏因之而後太公因之
續漢書郡國志四樂安國博昌有薄姑城 晉書地理志青
州博昌有薄姑祠又云姑幕古薄姑氏國 水經注濟水篇
作薄姑雒水篇亦作薄姑 竹書紀年成王三年滅蒲姑

五年

左
氏春城毗

釋文毗頻夷反

公
羊春城比

通雅經解

卷之三

趙徵君春秋異文箋

六

釋文比本又作芘亦作庇同音毗左氏作毗

穀
梁同左氏

謹案比密毗輔字古祇作比故公羊作比後世假用毗字又
譌作毗釋文云比本又作芘玉篇以爲古文又云亦作庇蓋
假音字 周易比彖比輔也 說文比部比密也二人爲从
反从爲比 玉篇比部比必以切類也方也校也竝也又脾
至切近也親也吉也阿黨也備也代也又步之毗吉必至三
切芘古文 廣韻六脂毗說文曰人齋也今作毗通爲毗輔
之毗房脂切

左氏 秋九月癸酉齊侯杵臼卒

公羊 秋九月癸酉齊侯處曰卒

穀同左氏

說氏僖公十二年陳侯杵臼卒下 史記齊世家作杵臼徐

廣曰史記多作籒白

六年

左春城邾瑕

釋文瑕音遐

公春城邾婁葭

釋文邾婁葭音加又音遐左氏作邾瑕

穀同左氏

謹案定公十三年左氏經次于垂葭公羊作垂瑕此年左氏

經作城邾瑕公羊作城邾婁葭瑕葭音相近故公羊假音互

用 釋例土地名魯地任城亢父縣北有邾瑕城

左齊陳乞弑其君荼

釋文荼音舒又音徒又丈加反

見五年傳下

公羊齊陳乞弑其君舍

釋文舍二傳作荼音舒

穀梁同左氏

釋文荼音舒又音徒一音丈加反

謹案茶舍古並讀若舒公羊作舍亦假音字 韻補九魚舍

商居切息也說文郤舍聲又曰余語之舒也舍省聲 唐韻

正三十五馬舍古音暑詩何人斯五章爾之安行亦不違舍
爾之亟行違脂爾車壹者之來云何其盱元熊朋來曰舍非

但與車盱協音作舒便合讀作舒春秋哀六年齊陳乞弑其君荼公羊作舍字音舒此經中明證宋魏了翁曰六經凡舍皆音暑平讀則音舒史記律書舍者日月所舍舍者舒氣也八年

左夏齊人取讎及闞

釋文闞尺善反

公夏齊人取讎及僂

疏左氏穀梁作讎闞字 釋文僂昌善反一音昌然反字林

作僂左氏作闞

穀同左氏

謹案公羊作僂假音字僂釋例土地名魯地闞東平剛平縣

北闡鄉城 水經注汝水篇引土地名岡縣西四十里有闡
亭 公羊宣十年傳注据歸謹及僂釋文僂本又作闡昌善
反 玉篇阜部障尺善切魯邑名 廣韻獮部障魯邑名昌
善切 漢書地理志上泰山郡剛故闡應劭曰春秋經取鄆
及闡今闡亭是也

十年

左氏薛伯夷卒

公羊薛伯寅卒

釋文薛伯寅二傳作伯夷同音以尼反

穀梁同左氏

謹案夷字廣韻在脂部寅字在眞部古方音脂眞通轉故寅

有夷音廣韻既收寅入眞部復收寅入脂部亦因方音而兩收然則公羊作寅殆讀寅爲夷爾詳見僖公元年邢遷于夷儀下 尙書堯典寅賓出日釋文寅徐以眞反又音夷舜典夙夜惟寅釋文寅如字徐音夷 廣韻六脂寅敬也亦辰名爾雅云太歲在寅曰攝提格以脂切又引人切十七眞寅辰名說文作寅翼真切又以之切 猗覺寮雜記上十二時寅音怡禮部韻訓時也若眞字韻寅則訓恭然唐人亦作寅字押冷朝陽云玉律催佳節青陽應北辰下云寒餘月建寅是也

十一年

左夏陳轅頗出奔鄭

夏陳袁頗出奔鄭

穀同左氏

說見僖公四年齊人執陳轅濤塗下

十二年

左氏秋公會衛侯宋皇瑗于鄆

傳秋衛侯會吳于鄆公及衛侯宋皇瑗盟 注鄆發陽也廣

陵海陵縣南有發繇亭

公羊秋公會衛侯宋皇瑗于運

釋文運左氏作鄆

穀同左氏

釋文鄆音云

謹案此鄆字與文十二年釋文云員本又作鄆之鄆不同彼在魯境此在吳境彼年經公羊作運此經亦作運皆假音字十三年

左
氏夏許男成卒

釋文成音城本或作戊

案戊當爲戊

公
羊夏許男成卒

釋文成本或作戊

穀
梁同左氏

謹案公羊作戊或字形相似而譌莊子大宗師篇成然寐

釋文成本或作戊

左
氏晉魏曼多帥師侵衛

公晉魏多帥師侵衛

傳此晉魏曼多也曷爲衛之晉魏多譏二名二名非禮也

注据上七年言曼多 釋文魏多左氏作魏曼多

穀梁同左氏

謹案左氏穀梁皆作魏曼多公羊經作魏多當是譌脫曼字

左氏盜殺陳夏區夫

釋文區烏侯反

公羊盜殺陳夏區夫

釋文夏戶雅反一本作廉區夫苦侯反又古侯反一本作區

音同二傳作夏區夫

穀梁同左氏

釋文區夫烏侯反

謹案區彊音相近公羊作彊假音字 說文弓部彊弓弩也而弦所居也从弓區聲 唐韻正十九侯區烏侯反古音驅彊格侯反古音恪俞反

靈川舉人秦培璠對字

皇清經解卷一千二百一十四終

皇清經解

卷一千二百一十四

趙微君春秋異文箋

十一

皇清經解卷一千三百一十五

學海堂

春秋異文箋附錄

仁和趙徵君坦著

唐陸氏淳春秋集傳纂例中有三傳經文幾繆略一篇有不與經典釋文及唐石經合者皆陸氏所見本異錄其原文略爲箋釋別成附錄一卷不以彙入正編者慮其淆也

仁和趙坦識

隱元年夏五月鄭伯克段于鄆

克公羊作剋

謹案唐石經公羊作克剋克音義同爾雅釋詁剋勝也

廣韻二十五德克能也勝也剋殺也急也竝若得切

二年春公會戎于潛

公羊作岑

謹案唐石經公羊作潛潛岑聲相近故別本作岑爾雅釋

器穆謂之涪釋文涪郭岑潛二音詩作潛字

詩周頌

山海經

西山經大時之山涪水出焉郭音潛

夏無駭帥師入極

帥公羊作率

謹案唐石經公羊作帥 率帥古字通

四月春戊申衛州吁殺其君完

殺君公羊皆作弒君

謹案唐石經左公穀竝作弒殺弒聲之譌 左氏釋文弒本

又作殺同音試 穀梁釋文弒音試舊作殺

桓六年夏四月公會紀侯于成

成穀梁作那

謹案唐石經穀梁作那那爲那字之譌

莊十年冬十月齊師滅譚

十月公羊作十有一月

謹案唐石經公羊泐注疏本作十月

十八年秋有豎豎作城三傳皆然

謹案唐石經左公穀竝作豎

二十四年冬曹羈出奔陳

羈公羊作羈

謹案唐石經公羊作羈說文無羈字玉篇始有之 說文网

部羈馬絡頭也从网从馬馬絆也羈或从革 玉篇网

部羈居猗切羈旅也寄止也又馬絡頭羈說文同上羈居宜

切寄也

二十六年秋公會宋人齊人伐徐

左氏無公字

謹案唐石經左氏有公字

二十八年秋荆伐鄭會齊人宋人救鄭

公羊作公會齊人宋人鄭婁人救鄭

謹案唐石經左穀皆有公字公羊多鄭婁人三字或衍文

臧孫辰告糴于齊辰教梁
作臣

謹案唐石經穀梁作辰辰臣聲相近故別本譌作臣

三十年秋七月齊人降鄆鄆左氏
作障

謹案唐石經左氏作鄆

閏二年秋八月辛丑公薨丑公羊
作酉

謹案唐石經公羊作丑 春秋釋例長麻八月丁丑朔辛丑

二十五日

僖元年夏六月邢遷于夷儀夷儀公穀
皆作陳儀

謹案唐石經公羊作陳儀穀梁同左氏作夷儀

四年春許男新臣卒新公羊
作辛

謹案唐石經公羊作新新辛音同故別本作辛

七年秋七月公會齊侯宋公陳世子款盟于寧母

左氏陳世子款下又有齊

世子華誤加之也寧左氏作甯

謹案陸氏殆因左氏傳有會而列姦何以示後嗣及記姦之位君盟替矣之語而云然然唐石經左公穀梁並有鄭世子華四字

十一年春晉殺其大夫丕鄭父

丕公羊作邲

謹案唐石經公羊作丕丕本字丕隸之變體邲經師增益字唐韻正十八尤案說文丕大也从一不聲漢石經尙書及山陽太守祝睦碑涼州刺史魏元丕碑梁相費汎碑趙相劉衡碑丕字皆作丕蓋一在不字之中間也

十四年秋八月辛卯沙鹿崩

鹿公羊作鹿

謹案此條兩鹿字譌當云沙麓崩麓公羊作鹿然唐石經左公穀竝作鹿

十五年春公會齊侯宋公陳侯鄭伯許男曹伯盟于牡邱

左氏陳侯

下又有衛侯公羊亦有衛侯而在陳侯之上

謹案唐石經左公穀竝作公會齊侯宋公陳侯衛侯鄭伯許男曹伯盟于牡邱

十七年秋夫人姜氏會齊侯于卞

公羊左氏或作弁

謹案唐石經左氏公羊竝作卞弁覓之或體字卞六朝別體字說文兒部覓覓也周曰覓殷曰吁夏曰收从兒象形鼻籀文弁或覓字

二十一年夏郟子來朝

郟穀梁作郟

謹案唐石經穀梁作郃字別本或因郃邾形似而譌

二十六年公追齊師至鶉弗及

鶉公羊左氏或作鄗

謹案唐石經左氏作鄗公羊穀梁作鶉

二十八年冬公會晉侯宋公蔡侯鄭伯陳子莒子邾子秦人于

温

左氏晉侯下有齊侯

謹案唐石經公羊亦有齊侯石經穀梁無

二十九年夏六月會王人晉人宋人齊人陳人蔡人秦人盟于

翟泉

公羊作公會

謹案唐石經穀梁亦作公會

宣十五年饑

公羊無此經

謹案唐石經公羊有饑字

成二年冬公及楚人秦人宋人陳人衛人鄭人齊人許人曹人

邾人薛人鄆人盟于蜀

左氏無許人
公羊無齊人

謹案唐石經左氏無許人石經公羊亦無許人有齊人石經
穀梁泐今本穀梁與左氏同

七年秋公會晉侯齊侯宋公衛侯曹伯莒子邾子杞伯救鄭

左氏

晉侯下
有齊侯

謹案唐石經公羊泐數字以字數計之有齊侯石經穀梁有

齊侯

吳入州來

公穀作
作州萊

謹案唐石經公穀並作州來

十七年晉侯使荀息來乞師

公羊
作嬰

謹案唐石經公羊勅今本作替

襄元年夏仲孫蔑會齊崔杼曹人杞人邾人次于郕

郕公穀皆作合

謹案唐石經公羊作合石經穀梁同左氏作郕三傳石經杞人俱在邾人下

六年夏宋華弱來奔

弱公羊作弱

謹案唐石經公羊作弱

十二年莒人伐我東鄙圍郕

郕左氏皆作台

謹案唐石經公羊亦作台

十四年夏衛侯衎出奔齊

左氏無衎字

謹案唐石經穀梁亦無衎字

十五年夏季孫宿叔孫豹帥師城成郛

成公羊作郛

謹案唐石經公羊泐下圍成作成則此亦當作成

十六年秋齊侯伐我北鄙圍成

成公羊作郕

說見上

二十三年秋叔孫豹帥師救晉次于雍俞

左氏作渝穀梁作渝

謹案唐石經公羊作渝石經穀梁同公羊

昭四年大雨雹

穀梁或作雪

謹案唐石經公穀並作雪

十一年夏四月丁巳楚子虔誘蔡侯般殺之于申

虔穀梁作乾

謹案唐石經穀梁作虔

十二年春齊高偃帥師納北燕伯于陽

北燕伯左氏作招燕伯款

謹案唐石經左氏無款字

十三年秋八月甲戌同盟于平邱

甲戌親梁作庚戌

謹案唐石經數梁泐注疏本作甲戌

十六年秋八月己亥晉侯夷卒

亥公羊作丑

謹案唐石經公羊作己亥亥字似磨改 釋例長麻八月己

卯朔己亥二十一日

冬十月葬晉昭公

十月公羊作十一月

謹案唐石經公羊作十月

二十一年秋叔輒卒

輒公羊作座

謹案唐石經公羊作座

二十六年夏公圍成

成公羊作郟

謹案唐石經公羊作成

定元年冬十月隕霜殺叔叔公羊作菽

謹案唐石經左氏初刻作叔磨改作菽石經穀梁作菽

十年冬齊侯衛侯鄭游速會于安甫安甫公羊作鞏父

謹案唐石經公羊作鞏無父字

十四年春衛趙陽出奔宋趙公羊作晉

謹案唐石經公穀竝作晉趙陽

十五年夏齊侯衛侯次于渠蔭渠左氏作蔭

謹案唐石經左氏穀梁竝作渠蔭石經公羊作蔭蔭

三傳經文鑿謬補闕

莊三十年夏次于成公羊穀梁作師次于成

謹案唐石經公穀竝作師次于成

成八年秋七月天子使召伯來賜公命

賜公羊作錫

謹案唐石經公羊作錫石經穀梁泐注疏本作錫

工部都水司郎中臨川李秉綬刊

靈川舉人秦培璠對字

皇清經解卷一千三百一十五終

皇清經解卷一千三百一十五終 趙徵君春秋異文箋

七